

徐州府志

地 220.27
137

:2

地 14.09
134
:2

徐州府志卷之二

山川

紀山川者在乎考古證今彼闕之者瞭然於今昔異同酈元水經注樂史寰宇記可法也郡縣諸志遞相沿襲不知借鏡古書遂至疑信難明是非莫辨今網羅舊聞參稽近事有訛謬則加辨正又舊志山川有總叙有分列疊牀重屋亦無取焉

銅山縣

九里山在城北五里一名九嶷山魏書地形志彭城縣有九里山寰宇記元中記云彭城北有九里山

徐州府志

卷二

山川

一

一

有穴潛通瑯邪又通王屋俗呼為黃池穴明一志山陰有孫氏墓碑上刻九嶷山嘉靖州志山志西遶亘凡九里其西一峯形如伏象俗稱象山又稍西為團山稍東為寶峯山西北為孤山看花山金與九里山相屬

按九里之名見於魏書地形志寰宇記其源甚古九嶷之名始自

明一統志或謂本名九嶷俗名九里非也

境山在城北四十里相傳徐之封境界於此西臨泗水其北二里為烏羊山又五里為焦山絳山山東有二泉又五里為弓弦山有石直如弦故名

黃山在城北七十里半屬沛縣



黃山即此山東有黃山勸... 京世德漢高
祖飲馬於此

楚王山在... 二十五里本名赭土山寰宇記赭土
山在... 二十五里尚書禹貢徐州敷黃
土... 志曰王莽使徐州黃五
... 楚元王... 山山下有楚元王墓
... 今里諺猶謂山前九十九
...

大彭氏封此山左右

今... 又四十里為陶山有漢徐州牧陶

徐州... 山川 二

...

丁堯山... 二十五里其東有丁塘故名下有

拔劍...

雲龍山在... 亦名石佛山唐景福二年朱全

忠遣... 溥於徐州克帥朱瑾赴救友裕

敗之... 字記石佛井在彭城縣南四

里石... 頂是也... 山有雲氣蜿蜒如龍故

名... 石佛山朱山人張天驥

... 山下有張山人... 自

... 甚多... 亭...

遊憇今改建雲龍書院爲生徒肄業之所迤西相連者曰金磴山雲龍之尾也又西曰簸箕山東西二山以形似名下爲簸箕窪卽石狗湖也

戶部山在城南里許雲龍山北卽項羽戲馬臺明天啟四年河決戶部分司署移此故名詳見古蹟

太山在城南雲龍山東視諸山特大兩峯峙立中闕一逕爲南北孔道迤東有馮跑山其東南有紅山由太山南二十里爲黃山俗名南焦山山南有飲馬池當驛道行者多飲馬於此

胡山在城南三十餘里下有拔劍泉又二十里爲楊

徐州府志

卷二

山川

三

銅

山下有歐家泉

桃山在城南五十里山陽有驛

徐山在城南六十里舊名武原山明一統志周時徐偃王作亂穆王命楚伐之偃王戰敗北走彭城武原山下百姓隨之者以萬數偃王死民因鑿山爲

龕祀之故名

按後漢書注云武原故城在下邳縣北徐山在其東據此則古徐山當在

今邳州界不在此也

奎山在城東南四里許橫枕河曲與對岸駱駝山爲徐門戶山麓有水名奎河明兵備陳文燧以泲郡城之水達於宿境郡人御史萬崇德建浮圖山上

駱駝山在城東南四里東西橫亘臨河狀如橐駝奔

飲稍南有土山

按方輿紀要州北有橐駝崑崙梁蕭淵明攻彭城軍於寒山東魏將慕容紹宗馳救至橐駝崑崙遂進至城下大敗淵明之師是也舊志俱不載疑卽今駱駝山也

三山在城東南十五里上有三峯其下爲三山堤又

臥牛山在城南二十餘里又五里爲南洞山廟山

又南十里爲女娥山

呂梁山在城東南五十里下臨二洪洪上有雲夢梁

王二城明一統志云土人謂雲夢卽韓信梁王卽

彭越也稍南爲塔山傍有鳳凰山亦名鳳冠雙峯

如鳳翅相連中有樓雲洞稱幽勝其東北爲峯山

徐州府志

卷二

山川

四

銅

舊有七十二泉相傳子房厭氣處稍西北爲午山

羣巒中一峯如圭相連者曰讀書山

子房山在城東二里舊志一名雞鳴山世傳張良計

散楚兵處其南爲蝦蟆山東一里爲響山上多穴

每興雲雨人呼其下輒應

定國山在城東四里梁太清元年遣貞陽侯蕭淵明

伐東魏進攻彭城營於此其北二十里有雙洞山

稍北爲大小二黃山明山

聖水山在城東八里相近有青頂山尖山並相連屬

其間有石潭世傳潛通泗水宋蘇軾嘗禱雨於此

作起伏龍行又東十里有盤頭山又二十里有馬
鞍山

辛賈山在城東十餘里下有鶯兒湖稍南為孤山北
為聖龍山亦名勝雲山有石孔二如龍眼久旱泉
流不涸又東四十里為寺山又十里為塔山茱萸
山

彭城山在城東北三里寰宇記云上有黃石公廟其
北十五里有苑山稍西北為嶼崧山

桓山在城東北十七里舊志作二十七里水經注泗水南逕

宋大夫桓魋冢西山抗泗水上面盡石鑿而為冢

徐州府志

卷二

山川

五

銅

謂之石榔者也明一統志云桓山亦名魋山下有
桓魋墓故名蘇軾遊桓山有記舊志山東臨泗水
舊名聖女山今俗稱洞山有洞山寺

塔山在城東北二十五里俗稱大山相近有關山又
北十里為雞鳴山

寨山在城東北三十餘里有羊山張孤山內花山梁
山龜山四面環之相距各一二里龜山有石洞深
晦莫測俗稱仙人洞又城東北四十里有石山舊
有驛今廢稍東為擅山鳳凰山又北七里為馬山
又北為二郎山由鳳凰山而北為青山

荆山在城東北二十里宋蘇軾時人言其下可漚

積水往相視以山多亂石不果舊志在城東北六十里非今改正

銅山在城東北八十里相傳其地有彭城廢縣舊嘗

產銅今縣以此名其東有鐵山俱與利國驛連境

盤馬山在城東北九十里山頂平數丈無草木相傳

漢高帝嘗盤馬於此山產鐵漢鐵官唐鐵冶宋利

國監俱置於此其陽有運鐵河又爬頭山在城東

北百二十里連徐邳滕嶧之境

黃河在城東北自河南虞城縣流入郡界經礪山蕭

縣入銅山縣界又東入睢寧縣邳州界詳見河防

徐州府志 卷二 山川 六

按明嘉靖舊志有汴河無黃河云汴河一名沁河一名小黃河又云按漕河志河居中汴居南沁居

北河南徙則與汴合北徙則與沁合故此河之名有三今沁水久不達唯河合於汴爾蓋其時河初

合汴故人猶呼汴河今人但知有黃河不復知汴矣

汴河故道在城北水經獲水出坂水於梁郡蒙縣北

又東過蕭縣南又東至彭城縣東北入於泗酈注

云獲水自蕭縣歷龍城又東逕同孝山北又東淨

溝水注之東逕阿育王寺北與安陂水合又東逕

彌黎城北獲水於彭城西南迴而北又東轉逕城

北而東注泗水嘉靖舊志汴河由蕭縣至大彭集

入州境受大彭湖澱楊屍龍溝五河諸溝水並由北岸

入至州城西九里受響水溝水二里受旱陂溝水
並由南自城西匯於東北合泗水南下其流增殺
率靡有恒云方輿紀要汴水舊自河南永城縣入
州界經碭山蕭縣至州城東北入泗自唐宋以來
汴渠多自夏邑永城達宿州境又東南至泗水達
淮而入泗之流甚少其後大河決嘴遂奪汴渠故
道爲經流矣

泗水故道在城東北自沛縣流入境至城東合汴水
又東南入邳州界水經注泗水自廣戚縣故城南
又逕留縣而南逕坨城東卽今茶城也又南逕桓魋冢

徐州府志

卷二

山川

七

七

西又南過彭城縣東北又南逕縣東周顯王四十
二年九鼎淪沒泗淵秦始皇時鼎見於斯水始皇
使數千人沒水求之不得所謂鼎伏也又逕龔勝
墓南又逕亞父冢東又東南過呂縣南泗水之上
有石梁故曰呂梁也又東南流丁谿水注之又東
南過下邳縣西元和志泗水在彭城縣東去縣十
步嘉靖舊志泗水出沛縣至謝溝入州境流十里
至留城東岸受小河水二十里爲皮溝稍南受新
溝水東岸入十里爲夾溝五里受北溜溝水西岸入三
里受境山溝水東岸入對岸受南溜溝水五里受

秦溝水又五里受澗河水已上西岸溝金澗湖限諸水西水泛澗則滿餘

時恒又十里為秦梁洪末直渡受鳥嘴溝水東岸

十七里有三里溝三里至城復北受澗水合流

愈詩汴洲交流郡城角謂此三里溝

河至城東南復合流里許為百步洪

洪有清水堰陳將吳明徹堰清水

又南九里受九里溝水西岸有寒山

明堰泗水處二十里障岸有狼豕溝

集有李家溝三里受澗水

五里至城東南三里受澗水

卷一

秦溝水又五里受澗河水

又十里為秦梁洪末直渡受鳥嘴溝水

十七里有三里溝三里至城復北受澗水

愈詩汴洲交流郡城角謂此三里溝

河至城東南復合流里許為百步洪

洪有清水堰陳將吳明徹堰清水

又南九里受九里溝水

明堰泗水處二十里障岸有狼豕溝

集有李家溝三里受澗水

五里至城東南三里受澗水

秦溝水又五里受澗河水

平治岸路嘉靖中主事戴思陳穆等相繼鑿之險盡平

呂梁洪在城東南五十里水經注泗水之上有石梁焉故曰呂梁縣濤湖萍實為泗嶮孔子所謂魚鼈不能游也云縣水三十仞流沫九十里今則不能

也晉太元中謝玄既破苻登率眾至彭城平兗州

惠水道險溢糧運艱難用督護開八頭謀壅泗梁

水以利漕運陳入建七年吳明徹攻彭城大破齊

軍於呂梁九年明徹北伐軍至呂梁周徐州總

管梁士彥拒戰明徹所敗進圍彭城堰泗水以

徐州府志 卷二 北川 九 銅

灌城周遣王軌生擒明徹元和志呂梁在彭

城縣東南五十七里舊志有上下二洪相距凡七

里水中巨石齒列波濤洶湧號為至險唐宋疏鑿

修治遺真金真明宣德初以漕舟艱阻陳

瑄議於開五丈以行舟七年復

益渠公險如故成化中管河

二十二年主事陳

丹行益便

里舊州志云 二丈有長

縱橫頗險惡類人力穿

孫州

完

彭家河出

花山口

水後州西李道並復決於山口以上亦派塞每

徐州府志

卷二

山川

十

銅

遇霖雨翠山諸湖水無所洩徐沛之間屢

告四十六年州人曹警旭即 聞請濬湯河以

除水患

上命河臣張鵬翮治之至五十二年工竣下流無滯土

流猶多塞滯五十六年沛民復請浚龍塘開全

山一帶五十八年河防同知孫國瑜知州姜

濟龍城開茶城十字河諸濬使通流

沛乃無積水

秀亭河在府東 况舊州志

浪河北諸山泉積滯

山口河一山

林東西灘

手禪河水過西

貓兒窩濟漕水

復沙淺

堤千八百丈

運鐵河在城東

舟楫後淤明

溝西南合境山

微山湖在城北與

徐州府志

卷二

故名東西四十

為府北境巨海

沙漸淺賴微

注韓庄西虎口

入漕處在本州境

州境挑洩水河復

年開舊河導沛積

無以濟運知州姜

可截流使水歸於

石狗湖在雲龍山

開歷蘇家樓姥家庄王

山回山請水至二岔河又受

家口至大墩入邳州境歸

角

決入致淤塞雖數挑濬旋

張之麟捐貲助築花山子

後經疏浚乃得暢行

置利國監鐵冶開此以通

靖二十年因運河涸復濬通新挑

其新挑溝在城東北八十里

山東滕縣及沛縣接境中有微山

山川

十一

銅

南北八十里與沛縣昭陽湖通

州自一被黃流衝漫停

水以助漕運 則河淺濶即放

以濟之舊亦各水櫃其放水

修開築堤皆滕縣司之近年

注之水常不竭康熙五十八

年入荆山口恐金洩微山湖水

於張孤山湖口築壩旱乾時

以待運河之用

兵山下地卑下歲旱可成

田雨潦則南山之

匯於此積久不退昔人常

作石狗鎮之故名亦

賦箕窪

按蘇軾答王定民詩云筆踪好在留

臺寺旗隊遙知到石狗鎮也疑宋時其地

又軾罷徐州寄子山詩云石狗鎮後人訛為石狗耳

路下有兩家川千時種杭餘所謂爾家川亦即今

石狗湖其時此地西古汴可以蓄澆種杭稻故

東坡欲於此卜田今阻於大河一遇大水遂成

巨浸或謂王十朋注佛前數章皆言徐之吏民叛援

人從無稱此地為爾不川者曰此王注誤也眉山

縣實無石佛山此其故山豈不懷廢宅生蒿櫓便

不忍別故下文繼墓蓋因徐民愛公即欲退居

於此詩意如此明靈壁作張氏園記曰余為彭

欲下田看山他日去不忍而彭城之父老亦莫

城二年樂其土風之上而老焉此非又一

余厥將買田於泗人攻及故特表而出之

明証乎數百年來

徐州府志

卷二

三

銅

鴈麥湖在城西南四

里相連者曰張塘湖馬溝陂

接賣場境每冬去則平原彌望夏秋霖潦匯為巨

浸舊由大彭溝灌溝五河湖設楊尸溝分流入汴

黃山湖在城北八十里黃山泉水漲則與沛縣之昭

陽湖通溢入運鐵

汴塘湖在城東北百餘里南流入邳州境匯於武河

鷺兒湖在城東十里辛賈山下有鳳凰山所出之

柳泉流入焉

成山湖在城東南

十餘里下流

近有泥溝湖下流合雙溝

天然開渠在城西三十里王家山下因山為開斷文
襄留泄黃水處下通蕭縣姬村出徐溪口按方輿
紀要云州西九里有九里溝南通蕭縣之姬村湖
迤南出雙橋入永固湖及土形湖循宿州西境徐
溪口歷符離橋及靈璧縣之孟山睢寧縣之高作
社直至宿遷縣小河口約五百餘里向通舟楫萬
曆中議疏此以寬水患不果據此則城西九里溝
通流甚遠非小水也乃新舊諸志州西九里有響
水溝而無九里之名今以水道考之卽今之王家
山天然開渠但查里數去府城三十里金非九里

徐州府志

卷二

山川

三

銅

或云當時去城九里卽有溝下通天然開因黃河
久趣南岸致溝道沒河其說頗是詳見河防

境山溝在城東北二十里源出城東北五十里之馬
跑泉西南至境山鎮入泗境山之北又有地浜溝
南流至城東北三十里明嘉靖四十四年黃河決

溢於此後淤

按州志謂境山卽地浜源出東北鄉
母猪運端諸泉南流三十里至境山

鎮人泗此卽明嘉靖舊志之文也合兩水為一水
語不分曉今從方輿紀要正之州志續修於康熙
末年距明嘉靖年代久遠水道變遷在徐為最不
獨汴泗全非舊迹其餘小水亦多不同乃修志者
但襲舊文不畧考正
又何取乎續修耶

北溜溝在城北六十里其南十里為南溜溝又有謝

溝皮溝新溝夾溝秦溝烏嘴溝三溝並之城東北
境舊皆流入泗水又城西北三十餘里有大彭湖
澱楊尸龍溝五河等溝西九里有響水溝二里有
早陂溝舊皆入汴今多淤

七里溝在城東七里水漲則洩城東諸山水由此入
河水口時通塞

狼矢溝在城東二十里又東十五里有磨臍溝方輿
紀要云舊時黃水暴漲從此溢入通邳州西北境
之赤龍潭及蠙蛤諸湖至宿遷北境駱馬湖出董
陳二溝復合於大河明嘉靖中大河自狼矢溝東

徐州府志

卷二

山川

古

銅

之赤欄村樊家店溢入磨臍溝出沂河口而徐邳
正河斷流萬曆十七年於溝口築堤防護又溝地
視河口卑數丈其東有塔山西有長山乃建滾水
石壩於中間以蓄洩之自是衝決之患少殺

李家溝在城東南二十里方輿紀要云州東北二十
里有東西溝及溜白等溝俱洩東北諸山水經辛
賈山入鷺兒湖復分流出李家溝合於大河

響水溝在城東南七十里舊志源出雙井白塔二泉
入於泗水

柳泉在城東北四十里鳳凰山南

馬跑泉在城東北五十里相近有拔劍泉俱出二郎山麓流入運鐵河

奉聖泉在城東北八十里相近有海眼黑龍野溝一名

珍珠泉久埋康熙間知州姜焯復濬劉家共五泉俱出銅山下流入

連鐵河

母豬泉 運端泉二泉俱在城北境山北絳山東流入地浜溝

東冷泉在城北八十里南流經城東北二十里之秦梁洪又西流三四里為烏嘴溝入泗水今淤

拔劍泉在城西南二十五里丁塘山下舊志世傳漢

徐州府志

卷二

山川

五

銅

兵為楚所困皆竭乏水高祖拔劍劖地泉為湧出今土人稱龍湫遇旱禱雨輒應又有拔劍泉在城南胡山下相傳亦漢祖駐兵處

流碧泉在城南雲龍山西南麓水極甘美

歐家泉在城南五十里楊家山下土人濬以溉田南流五里為房村溝入河

雙井泉 白塔泉二泉俱出城東南讀書山流入響水溝

裕泉在城東南呂梁山清冽而甘明正德中主事蔣益建亭其上

寒山堰在城東南晉大興二年彭城內史周撫叛降石勒下邳內史劉遐討之破斬之於寒山梁中大同二年命蕭淵明於寒山築堰引泗水以灌彭城淵明軍寒山距彭城十八里使長史羊侃斷流立堰再旬而成侃勸淵明乘水勢攻城不聽等敗魏書地形志彭城縣有寒山寰宇記在縣東南十八里

安王陂在城東方輿紀要云宋元嘉二十八年魏主燾南侵北還驅南口萬餘夜宿安王陂去城數十里江夏王義恭不敢擊即此

牛角灣在城北茶城下明萬曆初運河經此既而運道由茶城東南十里鎮口閘合黃河舊河遂淤議者以其地平曠河易泛溢因築壩以防之謂之舊河壩今運道竟由黃河鎮口閘亦廢自茶城至鎮口閘俱爲平陸

彭祖井在城西北隅彭祖宅

詳見古蹟

曾參井寰宇記在九里山舊志井在象山下

石佛井在城南雲龍山上寰宇記井在石佛山頂方一丈二尺深三里自然液水雖雨旱無增減或云飲之愈疾時有雲氣出其中去地七百餘尺州志

井在放鶴亭左亦名飲鶴泉今智按此井見寰宇記其來甚古後人因近放鶴亭遂易名爲飲鶴泉陋矣

蕭縣

三台山在城北半里數峯如屏縣治在山麓其東有龍蟠山西有虎踞山

三仙臺山在縣北舊縣治南二里石壁峭立前有平石如臺上鐫三仙臺三字相連者爲白茅山其東鸚哥山西爲香山鸚哥之東爲簸箕山下有簸箕泉香山之西爲岱山亦曰太山相並者爲明山亦名彩鳳山山半有穴俗稱虛窟其深莫測有泉出

徐州府志

卷二

山川

石竇名龍眼泉以上諸山勢相連屬並在今縣西北舊縣之南按水經注云蕭縣南對山世謂之蕭城南山戴延之謂之同孝山云取漢陽城侯劉德所居里名目山也劉敞之云縣南有冒山未詳孰是山有箕谷谷水北流注獲蓋卽今三仙臺諸山今簸箕山疑卽箕谷也

泉水山在縣城西北二里一名聖泉山上有泉僅一勺而不枯亦名菩薩泉山陰有書聲洞相傳昔有人過此聞書聲故名又西有桃花洞

冒山在縣西南十里翹峙衆峯中山麓有石嵌空

龍如太湖水經注云蕭縣南有青山卽此其東有丈山

龍山在縣西南十八里一名元龜山縣志是境爲紅亭鄉左傳魯昭公八年大蒐於紅卽此地也

丁公山在縣南十五里寰宇記在縣東南三十里楚漢相攻高祖敗薛人丁固追之卽此也縣志云今山下有了公村相連者爲石水牛山其西有昇高山山陰有黑灣可三畝餘其水染人衣輒成黑色浮綏山在縣南三十里其東有焦子山又羅里山在縣南五十里相山在縣南六十里接宿州界

徐州府志

卷二

山川

六

篇

永固山在縣東南四十里有泉俗稱海眼下有永固鎮永固湖其東有憤子山又南爲關山有仙人洞白土山在縣東南五十里下有鎮有橋並以白土名南二里有炭山宋蘇軾於此訪獲石炭作石炭詩明兵備唐煥國初知縣祖承勳皆重開以爲民利

霧豬山在縣東五十里下有霧豬泉

天門山在縣東南焦子山東兩山壁立如門谿流清

泚林木深蔚

龍岡山在縣東南天門寺南二里綿亘里許蜿蜒如

龍中有泉老洞又南二里曰黃桑峪石徑險巖亦
名皇藏峪相傳漢高帝嘗藏此有秦王洞相連者
曰龍駒嘴峪衆山環繞中闢一峪古樹參天巖谷
奇邃爲縣勝境有二泉僅隔片石左廿右苦名曰
雙龍去龍駒嘴六里有白米山又有獐鹿雙頂長
嶺大京拐棒馬鞍石佛小觀諸山金在黃桑峪東
北

椒山在縣東南八十里相近有騫山又暑蘭山在縣
東南一百二十里地產野蘭其南五里爲龍泉山
下有泉又馬蹬山去暑蘭山十里章山去暑蘭山

徐州府志

卷二

山川

十九

蕭

十五里

子貢山在縣東南一百五十里上有子貢祠相傳子
貢曾遊此

鳳凰山有二一在縣東三十里其東爲孤山南爲黃
山一在縣東南七十里

廟山在縣東三十里稍西南有紫草山其東五里有
團頭山團頭山西南有大觀山

栲栳山在縣東北舊縣東五里有栲栳泉又東五里
有爛石山舊志下有爛石泊卽泮水舊迹又蕭關
山在舊縣東稍南十里稍西南有迴山

蒙山在縣東北舊縣東三十里相近有小茅山
仁山三山相聯有洞曰興雲與銅山縣楚王山接
又大方山在舊縣東南五十里其相連者有小
山亦與銅山接界

綏輿山在縣東北二十里元和志在縣東三十五里
宋高祖綏輿里人蓋因里以名山也

水墨巖在縣石盆湖上石皆墨花如畫頗似大理
惟質粗耳

黃河在縣北舊志以為卽汴河故道也自礪山
境流經縣西六十五里之新挑溝又東五里爲

家園又東十里至拖繩橋又東十里至東鎮渡又
東二十里至曲里渡又東五里至朱珊渡又東十
二里至舊縣北三里之冀門渡又東五里至西河
口與山西湖之委流合以達郡境宋紹聖中汴水
衝決縣令張淳鑿汴水新渠以避水患元文宗
達魯花赤馬徹里復開南伏道口北鐵窠孔以通
漲水其後大河挾汴而東縣境遂爲大河經流
嘉靖三十七年河決秦溝自新挑溝至朱珊渡俱
淤惟冀門渡以東尚存舊流其後嘗決不時

三十四年河歸故道自是去

古汴水在縣北舊縣城南水經注獲水自碭縣又東
逕杼秋縣故城南又東洪溝東注之又東過蕭縣
南有箕谷水北流注之又東歷龍城至同孝山北
寰宇記古汴河在縣南十步

睢水在縣南五十里自河南永城縣流入境又東入
宿州界

淇河在縣西五十里東北流經楊家集又經舊縣西
南而東北會於兩河口

西流河在縣南二十里縣南浮綏諸湖之水由此出
瓦子口西流注山西湖又北經舊縣治南匯於東

徐州府志

卷二

山川

三

蕭

北三里之兩河口入大河舊志云山西湖在縣西
十二里今淤

浮綏湖在縣南二十里浮綏山東其南爲永固湖又
南爲梧桐湖稍西南爲時村湖又南爲土形湖聯
絡濬河皆南合於睢水

姬村湖在縣東十五里又東五里曰姬村泊明萬曆
甲議引運艘自靈壁雙溝歷永固姬村諸湖至徐
州九里溝出小浮橋是也又有莊湖在縣南四
十里蘇家湖在縣東南八十里西南又有李家

莊湖

英州泊在縣西北六十里其地舊有英州城故名今俗呼雁門泊又牧馬泊在縣西北七十里朱珊泊在縣西北十五里其地有朱珊渡

白溝在縣西北二十里又縣西北四十里有黃柏溝

西北五十里有鴻溝西北七十里有白羊溝西北

八十里有菱溝西南六十里有渠溝水經錦川橋北流東

南五十里有毛家溝港溝與永城礪山接界者曰

新挑溝皆水患時導流分洩處也

涼樓溝在縣東北十五里其地有涼樓寺故名上接

兩河口下通姬村湖東北近黃河每水漲為湖水

徐州府志

卷二

山川

五

蕭

泗為田

鐘楚溝在縣東南八十里南流由小河入宿州界舊

云相傳元末平地內見二巨鐘紐斷至數段等復如初瘞之復露忽一口鳴聲如雷二鐘同行十餘

里躍入黃河順流至徐州張士誠守將欲取弗獲適三女尼過咒之留其一碎之得黃金四錠其一

不知所往其說不經姑載於此

鄭陂在縣西魏黃初中鄭渾為沛郡太守郡界下濕

患水澇百姓饑乏渾於蕭相二縣界與陂邊開稻

田郡人皆以為不便渾曰地勢洿下宜溉灌終有

魚稻經久之利此豐民之本也陂成民賴其利號

曰鄭陂今堙

梧桐陂在縣西水經注睢水左合白瀆水水上承梧
桐陂陂側有梧桐山陂水西南流逕相城東而南
注於睢睢盛則北流於陂陂溢則西北注於睢出
入迴環更相通注

鳳眼泉在縣北三台山西一名泌泉又有篩泉在山
東石穴中湧出如珠

古巖泉在縣北三仙臺下明嘉靖間知縣朱同芳建
亭覆之

四莊泉源出縣東黃山東流入銅山縣界

霧豬泉在縣東霧豬山下淵匯數畝人不敢測由石

馮而南與沈家峪泉合宋蘇軾有祈雨霧豬泉詩
卽此舊志云霧豬泉之南由五石竇中出者曰五
眼泉五眼泉之東南出地中者曰醴泉其甘如醴
自縣東南龍岡山發者曰龍潭其水瑩澈皎潔如
月故稱龍潭皎月又有拔劍泉發源黃桑峪之秦
王洞石屋聖泉發源獐鹿山以上七泉分流並趨
至石佛山南而合出御橋山毛家溝出桃山小觀
山之後迤南由港溝鐘楚溝南入宿州小河

白米山泉在縣南五十里白米山下泉源湧沸北流

經綏輿山陽折

西爲白米堰

有縣東三十里土
堰以溉田可十

六項其米至雙橋又折北迤東出卓家橋北與
潔白故名境泉合入姬村湖達銅山縣境

孝感泉在縣舊城中舊志云唐主簿宋思禮爲其母
疾禱之泉出母飲而愈故名今埋

飲馬池有二一在縣治南半里一在舊城西北十里
曹馬城中相傳曹操飲馬處

化龍潭在縣南七里鸛山下俗傳昔有人浴於此化
龍去其妻至潭傍哭之輒雨後遇旱禱雨有應因
建廟祀之

智井寰宇記在齊縣北二百步古蕭城內左傳云楚

徐州府志

卷二

山川

三

莊王伐蕭蕭潰還無社與司馬卯言隱於智井中
卽此嘉靖舊志云在城內厲壇東百步許俗呼八
角琉璃井

碭山縣

碭山在縣東南河南永城縣界史記高祖隱於芒碭
山澤巖石之間呂后與人俱求常得之高祖怪問
之呂后曰季所居上常有雲氣故從往常得季漢
書地理志碭山出文石寰宇記碭山在永城縣北
五十里北去芒山八里通志在碭縣東南七十里
與永城縣接界山有紫氣巖卽漢高避處其東有

戲山西有狼牙山又南為保安山西為平頂山皆

芒碭之支也

按州志碭山今在永城縣境縣界無山唯城西里許舊有上窪然屹起俗

稱靴尖阜今亦埋考寰宇記碭山載入永城縣下蓋自宋初已然然縣以山名不可不存其梗槩也

虞山方輿紀要云在縣東南五十里南去碭山十餘

里金時嘗遷縣治於山之南麓

此山今亦在永城縣界

初月阜在縣西里許中高四下形如初月俗名靴尖

阜乃當時築以捍城者

黃河在縣西北五十里東北二十里自河南虞城縣

流入又東入蕭縣界方輿紀要云黃河舊在縣南

三十里即元賈魯所開由虞城縣入境經縣南孤

徐州府志

卷二

山川

五

碭

父聚達杼秋城凡九十餘里又東出徐州小浮橋

入泗明嘉靖二十八年河出縣北二十里戎家口

出徐州茶城入漕萬歷初又自縣西陳孟口分流

達縣之護城堤達毛城舖周家口龍溝一帶出小

浮橋今陳孟口漸淤每歲夏秋有泛溢之虞

按碭山地

勢蓬下自明以來屢有水患故河渠之不一變遷不常本朝河功底定水無泛溢前此諸河大半淤

塞然其名號流傳已久故仍錄以備考餘詳見河防

夾河在縣西南五十里大河支分處也或曰即大河

之別名元末劉福通自碭山夾河迎韓林兒為帝

即此州志又有禮河在縣東北二十里云韓林兒

與父老別於此稽首為禮故名

陳霜口河在縣西二十里舊自虞城縣史家皮家二口分為兩河由鎮里埝二十里至縣境西南合流入陳霜口河又南流十里至汪家口大河嘗決於此又東復分為二一衝縣之小南門一北流繞縣北門昔嘗為患明嘉靖二十四年知縣王紹元於汪家口築堤七十四丈有奇其西為月堤屬於高原又沿堤上至鎮里埝下至高良相口為順水堤五十里以禦水患

新盆河在縣西北四十里舊至虞城縣流經縣境監

城集又南四十里至龐家屯又二十里至羊耳河集迤南十五里至羊村集折北至五河三十里入蕭縣界

段莊河在縣西北四十里舊由虞城縣流入經縣西回岡集明嘉靖二十四年沙淤水漫流至雙溝集南一里匯流成河又東三十里合桑葉河

在縣東二十里

流四十里入蕭縣界又縣西北十五

里有白川河由虞城流入經回岡集又十五里為白川河又二十里經蔣家營五里入桑葉河又縣西九里有九里溝縣西三里有三里河由鎮里埝

二十里至縣境呂家集折北行二十里至縣西三里又二十里合禮河又縣東六里有盤岔河東北二十里有羊耳河今皆淤

龍扒溝在縣東南三十里舊通汴水明嘉靖二十六年沙淤別決流至縣東南二十五里衝黃龍口又二十里至西鎮店山蕭縣境入湖澱溝與大彭等溝爲州西北之五河俱大河衝溢處也

睢水在縣南五十里縣東南有徐溪口睢水由永城縣流經此又東南入蕭縣界明嘉靖中自徐溪至永城俱成平陸

徐州府志

卷二

山川

志

陽

小神湖在縣東南二十里地窪下諸水匯聚成湖康熙十七年河臣靳輔於毛城舖建減水閘壩減黃河漲水入此湖下達睢河及蕭縣永固姬村等湖至宿遷歸仁堤入洪澤湖詳見河防

新匯澤在縣南部外以河徙成澤南北二十里東西四十里經冬不竭占良田無算明隆慶中知縣王廷卿開新渠十餘里以疏洩之今淤

滄浪井在縣北一里滄浪廟內舊志云天旱取其水禱雨輒應

東華山在縣東南三十里亦曰華山亦曰小華山
州志山周亘十里許多奇石矗屹崎嶇森若部署
有五洞曰會景虛白寒碧太元太乙殊各幽勝又
有二峯相連一曰嵐山一曰墮山縣志云三峯聳
秀山巔石皆方平稍西削壁千仞又西爲華陽洞
深杳莫測其北中峯突起有自然石級可登

白駒山在縣東南十五里地形高阜相傳漢高祖嘗
與鄉人會此明嘉靖後屢經河決其跡已平

黃河在縣南五十里自碭山縣流入境明嘉靖四十
四年黃河決溢其北股經華山南而東流入沛縣

界西南有秦溝在河北岸於是導河入溝濟運萬
曆六年築邵家壩以絕秦溝舊路又議於華山斜
築大壩東至樓子集斷遏秦溝濁河二口今黃河
去縣益遠水患久息

濁河在縣南五里一名白羊河明隆慶初黃河自秦
溝決而南遂爲濁河其後河復舊流濁河亦塞又
有白帝河在縣北五里因漢高祖斬白帝子而名
泡水在縣北水經注泡水上承濰水於下邑縣界東
北流合瓠盧溝水又逕豐西澤謂之豐水卽漢高
祖斬蛇處也陽見又東逕大堰水分爲二又東逕

豐縣故城南水側城北東北流右合支水水上承
豐西大堰派流東北逕豐城北東注豐水豐水又
東合黃水又東逕沛縣故城南舊志泡水在縣城
北百步許自單縣流至此東入沛縣界明嘉靖中
爲河流盪決今久淤故迹尚存

豐西澤在縣西史記高祖以亭長爲縣送徒酈山徒
多道亡自度比至皆亡之到豐西澤中止飲夜乃
解縱所送徒徒中壯士願從者十餘人高祖被酒
夜經澤中令一人行前行前者還報曰前有大蛇
當徑願還高祖醉曰壯士行何畏乃前拔劍擊斬

蛇蛇分爲兩徑開元和志豐西澤在縣西十五里
舊志謂澤在今縣東北三十里有亭亦曰豐西非
是又有漸蛇澤在縣西三十里卽高祖斬蛇處

大澤在縣北史記高祖母劉媪嘗息大澤之陂夢與
神遇是時雷雨晦冥太公往視則見蛟龍於其上
因而身孕遂有祖寢字記大澤在縣北六里營
東五里

縣東三十里華山北舊志云相
其山有天子氣因鑿此溝以斷其氣
大清河嘗決於此今淤

仲井在縣北大澤南相傳漢祖兄仲所鑿又有聖井
在縣東南城下相傳其水能療目疾

沛縣

微山在縣東南隋書地理志沛縣有微山元和志上
有微子冢去縣二十五里舊志山無石崖崖若岡
陵然其下有微山湖新縣志今屬山東滕縣
七山在縣西南三十里亦作戚山縣志云圓聳前參
若爲邑鎮居民利取其石明嘉靖間知縣周涇勸
石禁之又有青龍桂籍山在縣南稍西三十里上
有石池相傳蕭何飲馬處

徐州府志

卷二

山川

三

葛墟嶺在縣東南九十里方輿紀要引舊志云嶺傍
南北通衢南去徐州洪九十里萬 中議開泇河
自縣之東南四十里馬家橋開微山赤山呂孟諸
湖起至葛墟嶺下凡三十里爲始功處

舊州志不
載此嶺

黃河在縣南自豐縣流入縣界又東南接蕭縣境而
入徐州界明正德以後河由山東曹單二縣境衝
決而東縣被災最甚嘉靖四十四年河決蕭縣西
趙家圈東北流平地河高七尺由七山南二里東
南入秦溝入泗河萬 五年以後漸復故道去
五十餘里今南徙益遠不經縣境矣

泗河在縣東

山東滕縣界自

自夏鎮以南即舊中所開泗河也今為漕渠詳見

防河

泗河舊在縣城東自山東魚臺縣流經縣北又自城東南流入徐州境水經注泗水過方與縣東又屈東南過湖陸縣南左會南梁水又南漵水注之又南逕薛之上邳城西又南過沛縣東黃水注之又南逕小沛縣東又東南逕廣戚縣故城東又逕留縣而南逕垞城東元魏志沛縣泗水自西北流入

徐州府志 卷二 山川 三

東去縣五十步舊志泗水自魚臺縣流至沙河入

縣境二十里為胡陵城二十里至廟道口三十里

至縣城北為北門渡匯於城東為東門渡至城南

隅受泡水為南門渡有飛雲橋十五里受金溝口水為

金溝渡鴻溝河漵水昭陽湖薛水合流金達於此五里為沽頭有上沽

頭渡下沽頭渡十里至謝溝以達於州境明時漕

運由徐州入泗北抵會通故亦名漕運湖陵至

留城皆置閘以資蓄洩嘉靖六年河溢運道塞都

御史盛應期於昭陽湖東創閘以避河患未

成而罷四十四年河決飛雲橋運道大阻工部尚

書朱衡乃循應期舊迹開新河北自魚臺之南陽
湖經夏鎮抵留城長百四十里西去舊河四十里
自是泗水亦隨而東其後泲河開而徐沛舊河皆
廢矣

泡河在縣城西亦名豐水又名黃水自豐縣流入境
又東南入泗水水經注泡水自豐縣又東合黃水
水上舊有梁謂之泡橋王智深宋史云宋太尉劉
義恭於彭城遣軍主稽元敬北至留城覬候魏軍
魏軍於清西望見元敬士衆魏南康侯杜道儁引
趣泡橋沛縣民逆燒泡橋又於林中打鼓謂宋軍

大至爭渡泡水水深酷寒凍溺死者殆半清水卽
泗水之別名也泡水又東逕沛縣故城南於城南
東注泗水地理志曰泡水自平樂縣東北至沛入
泗者也元和志泡水卽豐水也西去沛縣百五十
步舊志泡水舊循泗亭驛前入於泗明正德四年
黃河泛溢西南接泡水由飛雲橋嘉靖四十四年
河淤隆慶六年於泡泗交會處濬新渠十里接鴻
溝河東北入支河由留城入運萬曆四年築護城
堤截泡河舊道由是泡水徙堤外仍東會泗河今

薛河在縣東南十里齊乘謂卽古潞水源出滕縣境西流合昭陽湖由金溝口合於泗河明嘉靖四十四年開新河渠石堤橫截其流南注微山呂孟諸湖

鄒河在縣東北一名南沙河源出滕縣蓮青山流入昭陽湖又西南合於薛水又有北沙河出山東鄒縣嶧山至縣東北五十里之三河口合薛水經鴻溝入泗河自開新河後築三壩遏之西注引滿二湖今淤

鴻溝河在縣東十五里舊白滕縣界引昭陽湖入薛

水後廢明嘉靖末河臣朱衡開新河隆慶二年衡復以昭陽湖受黃河之水而趕牛溝復會鮎魚泉及南陽減水開南出諸水胥注於湖湖溢則壞民田乃自湖東南開縣東二十里回回墓支河上通昭陽湖湖陵城河口旣而河臣翁大立奏開鴻溝廢渠自昭陽湖達鴻溝自鴻溝達李家口自李家口達回回墓東出留城開河六十餘里引水濟運益溉民田滕沛間利之

昭陽湖在縣東北八里齊乘謂之山陽湖俗名刁陽湖有大小二湖大湖長十八里小湖長十三里二

湖相連周八十餘里北屬滕南屬沛諸山之水俱
匯於此下流與薛水合自金溝達泗明永樂中於
湖口建石閘東西二湖口建板閘成化中俱易石
閘定治中重修以時蓄洩爲漕渠之利嘉靖四十
四年大河決入運河漫入昭陽湖因改鑿新渠出
湖之東隆慶六年又於其南築土堤二百五十餘
丈又築東西決口二堤以防河患自是河益南徙
不復趨湖東岸阻以漕堤其南仍由舊道分爲二
一由徐北境至鎮口閘入黃一由茶城十字河出
荆山口合房亭河至貓兒窩入漕康熙初鎮口閘
閉今惟荆山口通流

荆山口河
詳見銅山河防志云湖內淤

填日積居民樹藝承糧謂之淤地然西境隣邑諸
山泊水自高超下每遇淫霖匯爲巨浸下流阻塞
滄沒爲災堤防宣洩之方所宜講求者也

呂孟湖在縣東南四十里漕河考縣境有赤山微山
呂孟張莊諸湖與昭陽湖並爲豬水濟漕之處

泥溝在縣西北五十里自魚臺縣流入經沙河鎮西
南入漕河亦曰泥溝河今淤又辛莊河在縣東北
出滕縣西南五十里南流十里入昭陽湖又章公
河在縣東北三十五里明定治間主事章拯所濬

洩水河也

起牛溝在縣東北源出滕縣五花泉至縣界三河內
與沙薛二河合明嘉靖末開新河過之西合鮎魚
泉注於新河

鮎魚泉在縣東北三十里由新河北岸入漕

荆溝泉在縣東北出滕縣東北五十五里泉眼百餘
水流迅急西南流八十里至辛莊橋漫流爲澤明
正統六年叅將湯節開渠十里引入昭陽湖

龍泉在縣治前舊沒於泡後河涸泉水自地湧出不
竭

徐州府志

卷二

山川

五

滿

琉璃井在縣東南泗水北岸俗傳漢高帝所鑿味甘
冽

邳州

洪福山在今州治後卽艾山前之小山以舊有洪福
寺更名

艾山在州北五里山多產艾故名後魏地形志武原
郡有艾山縣卽置於此今爲新治主山或以爲卽
沂水所出之艾山誤其前一里有馬家山上有鳳
凰臺其左有龜山去州三里右有蒼山去州二里
連防山在州西北十里有石防與艾山相接故名

倚宿山在州西北十二里世傳韓信經此倚山而宿
故名又雲臺山在州西北十五里

顯陽山在州西北十八里其山高聳朝陽故名又登
高山橋頭山俱在州西北二十里

黃石山在州西北二十二里上有黃石公廟

勝陽山在州西北二十五里其山高聳秀麗勝於顯
陽故名又王家山亦在州西北二十五里

穀城山在州西北三十里山前有穀城故名又有神
王山火石埠山俱在州西北三十五里王母山在

州西北四十里車埠山熊耳山俱在州西北四十

徐州府志

卷二

山川

五

邳

五里

茸山在州西四十五里上有唐時藏梅寺遺址

憂路山在州東北五十里舊志云峯巒險峻行者崎

嶇故名近志改為啣鹿山

廟防山在州東五十五里

宿羊山在州西南四十五里又大町山在州西南五
十八里過滿山在州西南七十里

唐宋山在州南六十五里昔有唐宋二姓居此上有
泉味清冽又虎邱山亦在州南六十五里土山在

州南七十里

大黃山在州南七十五里其北有小黃山勢相連其北有朱山亦大黃之支也

葛嶧山在今州南八十里舊州西北六里禹貢嶧陽孤桐漢書地理志下邳縣葛嶧山在西北古文以為嶧陽後漢書郡國志葛嶧山本嶧陽山劉昭注曰山出名桐伏滔北征記曰今槃根往往而存隋志謂之嶧山元和志寰宇記謂之嶧陽山明一統志云俗名距山以其與沂水相距也州志云山之東南有小山即舊城所倚山陰又有小山俗名十步山自漢以來皆以葛嶧為下邳主山今新城去舊山治絕遠山川之方位遠近不得不舍舊從新惟

徐州府志

卷二

山川

三

近舊州者仍存舊志道里以備攷

半戈山在州南九十里舊州西三里迴繞舊治形如

半戈

按此山即睢寧之絆河山志至睢寧五十七里與下羊山互見睢寧縣志今據州志移入

羊山在州南九十里舊州西南六里即睢寧之陽山

也昔在黃河南岸後河徙山南遂為州境上有宗

善寺為游觀之勝

州志舊州西南有茅墩青羊龐家淵頭白山東黃西黃鳳凰交

龍甘家李牛陡背凡十餘山舊在州界今皆割屬睢寧

磬石山在舊州西南鳳陽府靈璧縣界隋書地理志

下邳縣有磬石山寰宇記在縣西南八十里禹貢

泗濱浮磬孔安國注云水中見石可以為磬按泗

水中無此石其山在泗水之南四十里今取磬石
土供樂府其山出石大小擊之其音清亮與孔說
不同恐禹治水之時水至此山也此山今在靈璧縣北七十里卽

產靈璧石者州志謂割屬睢寧今實屬靈璧因本古下邳之山附載於此

黃河在舊州城南自彭城歷呂梁由睢寧界至五工
頭迤東入州境流四十里入宿遷縣界詳見河防
清水河州志卽舊黃河南岸屬睢寧北岸屬邳自順
治初塘池壩塞始由今河而清水河猶存其跡在
舊城護城堤南董家堂北是也

泗河故道在舊州南二里自彭城呂梁流入縣境又

東入宿遷縣界卽今黃河所經也水經注泗水過
呂縣南又東南逕葛嶧山東又東南逕下邳縣故
城西東南流沂水流注焉又有武原水注之又有
桐水出西北東海容邱縣東南至下邳入泗泗水
東南至下相縣寰宇記泗水西從彭城縣界正東
流至縣城西南州志泗河在嶧山左去新治八十
里今淤沒

運河在州西二十里自山東嶧縣黃林莊入州境南
流歷泅口鎮經徐塘猶兒窩馬莊集萬家莊窩灣
口凡百二十里入宿遷縣卽明萬歷中所開泅河

也詳見河防

沂河在今州東州志云自山東沂州南流入境至州

東受賢鄉分爲二一出盧口西流二里許復分二

派一經城南會武河流二十五里入運河一經官

湖出徐塘口入運河今本州漕船由此入運其正

流南至趙家莊亦分爲二一經砲車社繞廟防山

歸駱馬湖一經龍池隅頭集歸駱馬湖二派舊由

臧家口入運今於水口築堤俱歸湖入運水經注沂水自

郟城縣又南過下邳縣於縣北西流分爲二水一

水於城北西南入泗一水逕城東屈從縣南亦注

泗謂之小沂水水上有橋昔張子房遇黃石公處

也寰宇記引郡國志云沂水今號爲長利池舊邳

徐州府志

卷二

山川

堯

州志云沂水在城西一里今改歸運河下流俱埋矣

泇河在州北齊乘云東泇河出沂州西北之其山南

流至泇莊站東分一支入芙蓉湖西泇河出嶧州

東北抱犢山東南流至三合村與東泇河合又有

魚溝水亦合於北故名三合南貫四湖又南合武

河入泗謂之泇口淮泗舟楫通焉舊志泇河二源

一出費縣南山谷中循沂州西南流一出嶧縣君

山東南與費泇河合謂之東西二泇河南會彭水

入邳州境合蛤蟆連汪諸湖東會沂水從周柳諸

湖接州東直河東南達宿遷之黃墩湖從董陳二

潯入黃河明萬歷中開加河以此水名今加河下
流俱歸運河上流亦非舊迹以輿圖考之今武河
卽東加引河卽西加因舊志未明仍舊分列候考
武河在今州城南源自山東馬旺山許家泉南流入
境由米湯湖會沂水轉西經艾山繞城南又西入
運河水經注云武原水出武原縣西北會注陂南
逕其城西又南合武水謂之加水南逕剛亭
城又南至下邳入泗謂之武源水泗河出沂州
西北之其山南流至沂莊舊志云武河在舊州西
北五十里自嶧縣流經州西北二十五里匯爲蛤
湖州西北二十里又有蠙湖亦武水所注也引流
五十里由乾溝口注於泗河今自新城引流
歸運舊城西北之蛤蠙湖皆堙沒無迹矣

引河在州西二十里亦名營河源自嶧縣抱犢山南

徐州府志

卷二

山川

旱

邳

流入境舊合武河今西南經黃石山湖口合考究
泉入運河又有城子河在州西北自沂州盧塘湖
流入運河

直河在州南百十里舊州城東五里舊州志蒙沂諸
山之水匯爲沭纓湖又分派而南至州東南六十
里爲直河口入泗河明萬歷十五年濁流倒灌河
口遂塞諸山水俱由駱馬湖經董家陳家二湖出
大河議者謂築直河東岸近北閘家集口遏諸山
水不使東入駱馬湖直河口可不淤也二十九年
分黃開加之議定運艘皆由直河而達加河今堙

尚頁雜指曰水經注流水南逕厚邱縣分為二一南逕建陵縣故城東至下邳入泗今邳州東而泗水也

洪河在舊城東南三十里又有曲呂河在城東二十里自霸頭入洪河會直河入泗今俱埋

荆山口河在州西南亦名黃墩河源自昭陽諸湖由塘北荆山口至泉河汴塘入州境合彭家河注沙溝湖至貓兒窩入運河又有房亭河亦自府東境流來合於荆山河口詳見銅山縣

官湖在州東八里

宿遷縣

徐州府志

卷二

山川

壘

宿

馬陵山在縣舊治北二里高十五丈周廻三里陵阜如馬自山東迤邐而來為邑之鎮其岡脉曰靈傑山前阻運河

釜山在縣北三里以形似名

三台山在縣北二十里三峯如連珠又張山在縣北三十二里下有張山店

司吾山在縣北七十里以漢司吾縣得名今作峒嵒或譌作峒嵒明一統志云上有石洞鑄七真像洞口鑿石為螭水自螭口瀆出四時不涸宋紹興末首領張榮屯此山以拒金人縣志山高百丈許周

十五里其南爲五華峯又南爲斗山又南爲峯山
峯巒翠律石磴巉巖上有泰山行祠

塔山在縣東北九十里接流陽縣界高數丈周十數
里上有土城相傳爲五代郭彥威屯兵處

黃河自縣西五十里直河入境經皂河磨兒莊駱馬
湖過縣西又東南流經小河口白洋河至凌縣故
城入桃源縣界詳見河防

運河在縣北明天啟中自邳州直河東馬頰口開新
河至縣西陳溝口入黃河 國初因其故道至康

熙二十六年別開新河自駱馬湖口上接舊渠又

東金黃河北岸經桃源清河二縣出仲家莊口謂
之中河詳見河防

泗水故道在縣南卽今黃河所流之道也水經注泗
水自下邳東南至下相故城東又東南得睢水口
又逕宿預城西又逕其城南又東逕陵陽南又東
南逕淮陽城北又東南逕魏陽城北

睢水在縣南十里俗名小河自睢寧縣流入境至此
合於黃河謂之小河口水經注睢水出陳留縣西
菴蕩渠其下流逕取慮縣故城北又東逕睢陵縣
故城北又東南流逕下相縣故城南又東南流入

泗謂之睢口是也明萬曆初河臣潘季馴於縣南築歸仁堤以求睢水湖水由小河口入黃河以護高堰縣志其水易淺狹故名小河昔爲商賈往來之所順治十五年黃決沙淤遂爲平陸餘詳見河防

白洋河在縣東南四十里卽小河之下流東出者上流自徐溪口合蕭縣永固姬村諸湖水由宿州之符離溝經邳之睢河又合埠子白鹿等湖爲白洋河從東西兩溝入黃河巨津瀾漫望之如洋故名順治間黃河決入小河白洋河口皆淤今下流別

徐州府志

卷二

山川

三

宿

開引河詳見河防

沈河在縣北水經注沈水故賈自下堰東南逕司吾城又東南歷祖口城中東南至朐縣入游注海也縣志沈河自郟城紅花埠東入縣境過劉馬莊唐店邵店口頭諸集至新安集入沈陽縣界

皂河在縣西北四十里源出港頭社南流入河以土色黑故名康熙十九年駱馬湖淤嘗開此以通漕連支河在縣北六里康熙中總河靳輔旣開中河又於河之兩岸別開六塘以洩黃河駱馬湖之漲水建橋其上以利行人總名連支河冬春則涸

蕪家河在縣東南五十里爲夏秋雨水會歸處上接西寧橋下逕仰化集桃源清河安東諸縣分二支一支自安東入潮河達海一支自安東入海州達板鋪大伊山入海

駱馬湖在縣西北十里運河北岸舊作落馬受蒙沂諸山之水滙爲巨浸周百五十餘里縣西二里有陳溝口又西二十里有董溝口卽湖水南通大河之口也明天啟中由湖口至邳州直河東岸馬頰口濬渠五十七里上接泇河以避王家集磨兒莊七十里之險自是糧運皆由陳口達泇康熙七年

徐州府志

卷二

山川

四

宿

董口淤運艘嘗取道於湖後中河開惟資湖水以濟運

侍邱湖在縣東十里舊志周三十餘里由草狼溝入河多產魚鰕爲淮北最一名東湖草狼溝在舊治南三里又上泊水湖在縣東三十里由武家溝入河又茅滋湖在縣東南二十里受侍邱湖水由響水溝入河康熙初皆淤

倉基湖在縣東南三十里舊志周四十五里相傳石崇建倉之所有閘曰石崇閘其水導流爲崇河入桃源縣界

祠堂湖在白洋河西南去縣五十里

管坊湖在縣北四十里舊志周三十里歲旱即通車

馬為青齊要路伏秋之間泥淖難行明萬曆間知

縣何東鳳修路建橋其上又滹沱湖在縣北二里

馬陵山西

諸葛湖在縣西北八十里又縣西北五十里有丁家

湖六十里有雷家湖七十里有張皮湖八十里有

巴頭湖九十里有白湖一百里有潼溝湖縣西三

十里有蓮子湖四十里有朱衣湖五十里有黃龍

湖

徐州府志

卷二

山川

湖

宿

劉老澗在縣東南四十里洩中河水下至仰化集與

茅家河水合詳見河防

龍泉湖在縣北司吾山下有二派東入洙水西入駱

馬湖

孫溪渚在縣東齊建元三年魏人圍角城不克而退

齊將李安民追之收魏兵於孫溪渚胡三省曰在

淮陽之北清水之濱

東港頭陂在縣西北四十里又西港頭陂在縣西北

三十里二陂皆積雨所蓄

戴家陂在舊治東四十步中有洲雖水漲不沒

項羽井寰宇引北征記云在下相城

真源井在縣北釜山下

睢寧縣

象山在縣北四十五里三面據河旋繞如帶

青羊山在縣北七十里

劉胡山在縣北七十二里山周數里相傳昔有劉胡

將軍屯此故名

丁字山在縣西北四十里形如丁字其東二里有嵐

山又東北五里有小黃山

澗頭山在縣西北六十里山下有大澗平岡有泉味

徐州府志

卷二

山川

巽

睢

甚甘冬夏不涸

白山在縣西北六十里北臨大湖今河淤

龍虎山在縣西北六十五里二山相屬康熙二十四

年河臣靳輔於此鑿爲石牯名曰天然

張龍山在縣西北七十里上有張龍神廟下有塘深

一丈餘三面障以石復蓋以石或曰龍潭也

石屋山在縣西北七十里山東有洞洞外有石屋寺

其東有交龍山交龍之東有雙古墩夾澗水對峙

俗傳爲石崇范丹墓

鳳凰山在縣西北七十里山形似鳳

大黃山在縣西北七十里縣志云綿亘高聳爲河北諸山之宗其南二里有鯉魚山狀似鯉魚枕於河上與南岸峯山對峙河流其間

龍泉山在縣西北八十里綿亘如環外高中凹上有龍泉寺山陽有上中下三泉冬夏不涸林泉幽勝黃山在縣西北八十里山腰有黃華洞可容數十人因地近圮橋相傳黃石公會隱於此又名黃石洞花山在縣西八十里山東北麓產花石色赤嵌空玲瓏又英公山亦在縣西北八十里其東北三里有壽鹿山東南臨湖

徐州府志

卷二

山川

七

雅

九頂山在縣西五十里九峯相連其形環抱如城內平敞四圍古澗陡峻怪石嵯峨又白路山亦在縣西五十里俗傳昔有仙女修道於此自麓至巔有路石白如玉又大小花山馬山俱在縣西五十里仙掌山在縣西六十里明一統志石上有掌跡隱見不常世傳仙跡云

官山在縣西南二十里上人多採石於此其東有大湖小湖二山南十里有趙耳山荆山宋家山軸山孟山在縣西南六十里孟山湖中與靈璧縣接界唯水由此入境

池山在縣東南四十里以四面臨河如池而名其南入虹縣界別名赤山

黃河在縣西北七十里自銅山縣流入北岸與邳州接界又東入宿遷縣界詳見河防

睢水亦名小河舊在縣北自宿州靈璧東流由孟山湖入境經潼郡子仙壩頭諸集過廟灣繞縣治後又東經高作耿車引芹溝湖水入宿遷縣五至小河口入黃河明天啟二年及崇禎二年黃河決溢淤為平陸故道遂堙今小河自孟山東南流經縣南界由找溝出祠堂湖口入洪澤湖

徐州府志

卷二

山川

梁

睢

白山湖在縣西北七十里三面皆山衆水匯聚成湖康熙十四年河決花山壩湖淤大半又有白馬莊湖黃山湖俱在縣西北八十里為諸山水所聚自河溢後皆半淤為田

峯山湖在縣東北四十里周十二里明萬曆中河臣潘季馴築雙溝遙堤恐河漲直至峯山湖分流旁決因築羊山橫堤以備之又合湖在縣西北七十里一名葛湖流合沂水南入大河又芹溝湖在縣東十五里周八里流入淮河今皆堙

孟山湖在縣西南六十里地窪下衆流所聚縣志云

睢水白靈壁縣由此湖入睢寧界今湖屬靈壁
潼河湖在縣東南四十里由找溝入小河其找溝亦
在縣東南四十里又有泥溝在縣西三十里流入
小河縣志云按舊志大河以南有九湖十二溝今
多堙沒

徐州府志卷之二全

徐州府志

卷二

山川

九

睢

